

laburrean

■ Boroako zentral termikoaren aurka bigarren manifestazioa egingo da gaur Amorebieta-Etxanon

ZORNOTZA BIZIRIK plataformak deituta, manifestazioa egingo da gaur Amorebieta-Etxanon, Boroan eraiki nahi den zentral termikoaren aurka. Joan den apirilean ere egin zen beste manifestazio bat, eta 6.000 lagun elkartu ziren ESB enpresaren proiektuaren aurka. Eguerdiko 12:30ean irten-go da martxa, parketik. Herriko dendariak bat egin dute deialdiarekin, eta manifestazioa euren denden aurretik igarotzen denean ez dute ezer salduko. Era berean, Bizkaiko Ekologistak Martxan elkarte ekologistak ere bat egin du Boroako zentral termikoaren aurkako manifestazioarekin.

■ Sute baten ondorioz, 30 bizilagunek etxetik irten behar izan zuten atzo Eibarren

EIBARKO Sardiñeta kaleko etxe batean sute bat piztu zen atzo 07:00etan. Ondorioz, bertako bizilagun guztiek eta inguruko etxebizitza batzuetako zenbaitzuek etxetik irten behar izan zuten, arriskutsua baitzen bertan egotea. Denera 30 lagunek irten behar izan zuten kalera. Izan ere, eraikina- ren egitura zurezkoa izaki, sua zabal zitekeen susmoa zuten suhiltzaileek. Antza, eraikineko goiko solairuan sortu zen sutea, ustekabea.

■ Arrasaten Lanbide Heziketa euskalduntzeko eskaera plazaratu zuten atzo ehunka euskaltzalek

EKIMEN bi egin ziren atzo Arrasaten Lanbide Heziketa euskalduntzeko eskatuz. Goizean, Euskal Irakaskuntzaren Aldeko Ekimenak deiturik, hogeit bat lagunek esku hartu zuten prentsaurreko batean, eta Lanbide Heziketan euskarak duen toki eskasa salatu zuten. Arratsaldean, manifestazioa egin zuten, Euskal Herrian Euskaraz taldeak deituta. 150 lagunek hartu zuten esku manifestazioan, eta lelo nagusi bat eraman zuten: *Diskriminazorik ez! Lanbide Heziketa euskaraz!*

■ Inauguratu dute Legazpiko saihezbidea

GIPUZKOAKO Foru Aldundiko Garraio eta Errepide diputatu Antton Jaimek Legazpiko saihezbidea inauguratu zuen atzo. 1998ko urrian kontratatutako obra hori egiteko 343 milioi pezeta erabili ditu Foru Aldundiak, eta erabili behar izan diren lur sailak Legazpiko Udalak jarri ditu. Errepide berria 780 metro luze da eta, Urola ibaiaren gainetik igarotzen denez, zubi gainean eginikoa da zati bat.

■ 50.000 lagunek jasaten dute loguraren apnea EAEn

HAMAR segundotik gorako tarte jarraituetan arnasa hartu barik egon daiteke lotan dagoela loguraren apnea duen pertsona. Gauean beharrezko den oxigenazioa hartzen ez dutenez, gaixo horiek logura izaten dira eta arnasketako arazoak izaten dituzte. Gaixotasun hori maizago agertzen da tabakaren eta alkoholaren kontsumoaz.



XOUSE SIMAL

EAJko Euskara Batzordea euskalgintzako ordezkariekin bilduko da hilaren 27an. Euzkadi Buru Batzarra eta herrialde mailako zuzendaritza egiturak martxan jarri ostean, Euskara Batzordearen lehen bilera egin zen atzo, Josune Ariztondok zuzendurik. Atzoko bileran, euskalgintzan diharduten hainbat sektoreekin Elkarlanerako Foroa martxan jartzea ebatzi zuten. Hilaren 27an bilera izango da.



BOB EDMÉ

Jean Paul Urcun, Organbidexka Col Livre elkarteko bozeramailea.

Senatua ihiztarien babesleku dela dio Organbidexkak

Usoak babesteko berehalako neurriak galdegin dituzte

Hur Gorostiaga/Baiona

Frantziako Senatuak Asanblea Nazionalaren Ihizi Legeari buruzko proposamenari egin aldaketak «lotsagarriak» direla adierazi du Organbidexkak, txorien babeserako elkartek. Senatua «ihiztarien babeslekua» dela salatu du. Usoak babesteko berehalako neurriak galdegin ditu.

HELDU DEN ekainaren 13an Parisko Asanblea Nazionalak Ihizi Legea aztertuko du bigarren irakurketan, Senatuak zuzenketak egin ondoren. Organbidexka Col Libre elkarteak kezkaturik agertu zen atzo. «Senatuak, ihiztarien babesleku gisa jokatzuz,

legea goitik behera ihiztarien nahiaren arabera aldatu du», erran zuen. Senatuak egin-dako aldaketen ondorioetarako batzuk ihizirik gabeko eguna kentzea, ihizi garaia luzatzea eta Europako arauak «zangopilatzea» izan direla adierazi zuen Jean

Paul Urcunek elkarteko bozeramaileak.

Hala ere, bigarren irakurketarako Gobernua osatzen duten alderdietako kideekin ingurugiroaren babeserako elkartek adostasun puntu batzuk atzeman eta bigarren irakurketan «legea hobetzeko esperantza» agertu zuen.

Zuberoako mendietatik igarotzen diren usoak gero eta gutiago direnez, «ihiziaren hiru urteko gelditzea» galdegin zuen. «1967 urtean milioi bat uso pasa ziren bertatik. Iaz 85.000 besterik ez genuen kontatu», erran dute.


2000 EKAINA 10-11 TOLOSA-GIPUZKOA

VI IBILGAILU KLASIKOAK NAZIOARTEKO ERAKUSKETA



Berrikuntza
Mende hasierako auto klasikoaren erakusketa

Stand-ak, erakusketak, auto zahar eta motoen salmenta



Jarduerak:

Larunbata 10 arratsaldeko Getan, auto klasikoaren ibilaldia.

Non:

Tolosan, San Estebango Ferialekuan.

Ordutegia:

9:00 - 13:30
15:30 - 20:00

